

Broj: 101-16777/22 DŽS
Zenica, 07.12.2022. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-16775-1/22 DŽS od 07.12.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku

I

Poništava se postupak javne nabavke za nabavku pocinčanih fittinga i kuglastih ventila iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d) Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-14713/22 BS od 20.10.2022. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci. Procijenjena vrijednost javne nabavke bez uračunatog PDV-a je 304.000,00 KM.

Dana 21.10.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-486-3-98/22 objavljena je i tenderska dokumentacija.

Poziv za preuzimanje tenderske dokumentacije broj: 406-14713-2/22 BS od 21.10.2022. godine upućen je sljedećim ponuđačima:

1. Inter- com d.o.o. Zenica
2. Vodoskok d.o.o. Tomislavgrad
3. Pero d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 06.12.2022. godine u 10:10 sati.

Rok za dostavljanje ponuda je bio 15.11.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. HIDRO-TERMO CENTAR d.o.o. Sarajevo
2. VODOSKOK d.o.o. Tomislavgrad
3. TOPLOTA d.o.o. Zenica

Komisija za nabavku imenovana je Odlukom broj: 101-9226/22 BS od 27.06.2022.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno 12 (dvanaest) ponuđača su preuzeli Tendersku dokumentaciju

Komisija za nabavku je dana 07.12.2022. godine direktoru preduzeća dostavila Zapisnik o ocjeni ponuda broj: 501-16775/22 DžS od 07.12.2022. godine sa preporukom o poništenju postupka.

Uvidom u priloženu dokumentaciju otvorenog postupka broj: 406-14713-3/22 BS od 20.10.2022. godine – Nabavka pocinčanih fittinga i kuglastih ventila, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena dostavljene ponude neprirodno niska.

Ponuđač TOPLOTA d.o.o. Zenica je za stavke 1, 2 i 3 (kuglasti ventil propusni, kuglasti ventil sa ispustom, kuglaste slavine) dostavio Izjavu o svojstvima proizvoda izdanu od strane proizvođača HERZ, što se ne može prihvatiti kao odgovarajući tehnički dokument. U tenderskoj dokumentaciji je striktno navedeno da se mora dostaviti važeći certifikat za kuglaste ventile kojim se potvrđuje da proizvod zadovoljava traženi standard EN1074 a koji je izdat od strane akreditovanog nezavisnog tijela objavljenog u bazi podataka NANDO. Proizvođač HERZ nije akreditovano tijelo u bazi podataka NANDO. Iz gore navedenih razloga ponuda ponuđača TOPLOTA d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač VODOSKOK d.o.o. Tomislavgrad je za stavku 4 (ventil za redukciju pritiska) ponuđač je ponudio ventil sa izlaznim pritiscima i to: od 1 do 5,5 bar, od 1 do 6 bar (zavisno od promjera ventila), što ne odgovara traženom ventilu u tenderskoj dokumentaciji gdje je traženo da ventil mora imati izlazni pritisak od 0,5 do 6 bar za promjere od $\Theta 1/2"$ do 3". Iz gore navedenih razloga ponuda ponuđača VODOSKOK d.o.o. Tomislavgrad se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač HIDRO-TERMO CENTAR d.o.o. Sarajevo je za stavku 4 (ventil za redukciju pritiska) ponuđač je ponudio ventil sa izlaznim pritiscima i to od 0,5 do 6 bar, 1-6 bar, 1-7 bar (zavisno od promjera ventila), što ne odgovara traženom ventilu u tenderskoj dokumentaciji gdje je traženo da ventil mora imati izlazni pritisak 0,5 – 6 bar za promjere od $\Theta 1/2"$ do 3". Za stavku 17 (poc.cijevi) ponuđač je ponudio cijevi sljedećih debljina stijenke 3 mm, 4mm, 4,5 mm, 5,0 mm, što ne odgovara traženoj debljini stijenke u tenderskoj dokumentaciji (3,25 mm, 3,25 mm, 4,05 mm, 4,05 mm, 4,05 mm i 5,0 mm). Iz gore navedenih razloga ponuda ponuđača HIDRO-TERMO CENTAR d.o.o. Sarajevo se odbacuje u skladu sa članom 68., stav 4., tačka (i) Zakona o javnim nabavkama BiH.

Polazeći od navedenih konstatacija, a uzimajući u obzir da nijedna zaprimljena ponuda nije prihvatljiva za ugovorni organ (član 68., stav (4), tačka (i) ZJN), Komisija za nabavku je dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



Direktor:

Emir Pašalić
Pašalić Emir, dipl.ing. građ.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Inženjer za nadzor vod.sistema
- 3 x Članovima Komisije
- 1 x Sekretar Komisije
- 1 x a/a